



Ulloq: 29. Juni 2026

Allaffik: Nordatlantkontoret
Sul.sulia: Christine Elbrønd Kuus
Suliap normua: 2024-02620
Takussutissiaq: 3322623

MISSINGIUT

Kingornussassat naalagaaffiup pisassai pillugit

Kalaallit Nunaannut nalunaarut

Kingornussisarneq pillugu inatsisip Kalaallit Nunaannut atuutilersinneqarnissaa pillugu peqqussummi nr. [...] -imi, [...] -imeersumi § 95, imm. 5 malillugu aalajangersarneqarpoq:

Kapitali 1

Pigisat agguagassat, taakkunani kingornussassat naalagaaffiup pisussaallugit, suliarineqartarnerat pillugit malittarisassat nalinginnaasut

§ 1. Apeqqut pigisanut agguarneqartussanut annertuumik aningaasaqarnermut tunngasumik pingaaruteqarpata, pigisat agguarneqartussat suliarineqarnerat pillugu apeqqutit nangaassutigineqartut, matumani pigisani agguarneqartussani pissassarisat akuersissutigineqarnissaat pillugit apeqqutit ilanngullugit, pigisat agguarneqartarnerannik ingerlatsisup Inatsiseqarnermut ministereqarfimmut saqqummiutissavai. Suliap qanoq ililluni aaqqinneqarnissaa pillugu innersuussut, pigisat agguarneqartarnerannik ingerlatsisup ilanngullugu nassiuutissavaa.

Imm. 2. Apeqqutit allat Inatsiseqarnermut ministereqarfimmut saqqummiunneqassanngillat.

§ 2. Pigisat agguarneqarnissaat pillugit ataatsimiinnernut Inatsiseqarnermut ministereqarfik aggeqquneqassanngilaq aamma toqusup pigisaasa nalillit aamma akiitsuusa ullormi toquffiani inatsisilerinermut aningaasaqarnermullu tunngasumik nalunaarsuummik, inaarutaasumik pigisat agguarneqarnerannik il.il. nassinneqassanani.

§ 3. Pigisat agguarneqartarnerannik ingerlatsisup ilisaaneq isumagissavaa aamma ilisineranut atatillugu aningaasartuutit naleqquttut tamaasa akilissallugit, matumani ilerrup suliarineqarneranut aserfallatsaalineqarneranullu.

§ 4. Pigisat agguarneqartussat naammassineqarneranni kingornussassat Nunatsinni Eqqartuussivimmut tunniunneqassapput, taamaattoq §§ 6 aamma 7 takukkit.

Kapitali 2

Pigisani agguarneqartussani, taakkunani kingornussassat naalagaaffimmit pineqassallutik, tuniniarneqarnerat il.il.

§ 5. Pigisani agguarneqartussani pigisat nalillit toqusut qimataasa agguarneqartarnerat pillugu inatsimmi malittarisassat malillugit tuniniarneqassapput, taamaattoq §§ 6 aamma 7 takukkit.

§ 6. Nunatta Katersugaasivianit Allagaateqarfianillu aamma katersugaasivinnit Naalackersuisunit akuerineqartunit soqutigineqarsinnaasutut isigineqartut, katersugaasiviup taamaattup peqummik tigusinissartik kissaatiginerlugu isummertinnagu, pigisat agguarneqarnerannik ingerlatsisup pigisat nuunneqarsinnaasut tuniniassanngilai.

Imm. 2. Katersugaasiviup pigisat tigujuumassappagu, pigisat annikinnerusumik naleqartutut missiliorneqanngippat, Aningaasaqarnermut Sulisoqarnermullu Aqutsisoqarfiup akuersissutaa piniarneqassaaq.

§ 7. Naalackersuisut pigisat pisiarinissaannut periarfissamik saqqummiussiffigeqqaartinnagit, pigisat agguarneqarnerannik ingerlatsisup pigisat aalaakkaasut najukkamiittut agguarneqartussaniittuttuninarsinnaanngilai. Taamaattoqartillugu Naalackersuisut pigisanut pineqartunut piserusuttuni sallerfaatitaasusaapput.

Kapitali 3

*Kingornussisarneq pillugu inatsimmi § 95, imm. 2 imaluunniit 3 malillugu
noqqaassutit suliarineqartarnerat*

§ 8. Kingornussisarneq pillugu inatsimmi § 95, imm. 2 malillugu kingornussassianut qularineqartunut naapertuuttumik imaluunniit kingornussisarneq pillugu inatsimmi § 95, imm. 3 malillugu kingornussassat naalagaaffimmit piumaneqannginnerat pillugu noqqaassummik saqqummiussisoqarpat, noqqaassut akuerineqassanersoq pillugu noqqaassut, aamma takussutissiat attuumassuteqartut pillugit nalunaarut, imaluunniit, suliap paasinarsisinneqarnissaa siunertaralugu, Nunatsinni Eqqartuussivimmi qinnuteqartut aamma ilisimannittut erseqqinnerusumik taasat killisiorneqarnissaat suliarineqartariaqannginnerasoq, pillugu innersuussummik tunngavilersukkamik ilalerlugu pigisat agguarneqartarnerannik ingerlasisup Inatsiseqarnermut ministereqarfimmut nassiutissavai.

§ 9. Inatsiseqarnermut ministereqarfiup noqqaassuteqarneratigut, qinnuteqartut ilisimannittullu Nunatsinni Eqqartuussiveqarfimmi killisiorneqarnerat pigisat agguarneqartarnerannik ingerlatsisup naammassissavai.

Imm. 2. Killisiuinerit suliarineqarfianni eqqartuussinerni, Inatsiseqarnermut ministereqarfik aggersarneqassanngilaq.

Imm. 3. Ilisimannittut nassuiaataasa tunniunneqartut imaannik pigisat agguarneqartarnerannik ingerlasisup qinnuteqartut ilisimatissavai aamma taakku oqaaseqaammik saqqummiussinissaannik periarfississallugit.

Imm. 4. Killisiuinerit kingorna killisiuinerit pillugit eqqartuussisut allattaaviinit takussutissiinerit, taamaattoqarpat qinnuteqartut ilisimannittut nassuiaataannut tunniunneqartunut oqaaseqaataat aamma kingornussisarneq pillugu inatsimmi § 5, imm. 2 imaluunniit 3 malillugu noqqaassut akuerineqartariaqarnerasoq pillugu innersuussummik tunngavilersukkamik ilanngussilluni, pigisat agguarneqartarnerannik ingerlatsisup Inatsiseqarnermut ministereqarfimmut nassiutissavai.

§ 10. Suliap allakkut paasinarsarneqarnissaanut pigisat agguarneqartarnerannik ingerlatsisup Inatsiseqarnermut ministereqarfik ikiussavaa.

Kapitali 4

Atuutilerfissaa

§ 11. Nalunaarut ulloq 1. november 2026 atuutilissaaq.

Inatsiseqarnermut ministereqarfik, ulloq [...]

Inatsiseqarnermut ministeri

Nicolai Wammen

/ Lennart Houmann